



Broj: 05/2-50-15-28-40/24  
Sarajevo, 22. 5. 2024.

## ZAPISNIK

### 40. sjednice Odbora za žalbe građana na rad policijskih službenika u policijskim tijelima Bosne i Hercegovine

Sjednica je održana 22. 5. 2024. u Trebinju s početkom u 21.30 sati.

Sjednica je realizirana u sklopu planirane posjete i obilaska graničnih prijelaza Bosne i Hercegovine u zoni odgovornosti Terenskog ureda Granične policije BiH Jug-Čapljina, 22. i 23. 5. 2024.

**Prisutni članovi Odbora za žalbe građana Parlamentarne skupštine BiH:** Boris Buha, predsjednik, Semir Šut, drugi zamjenik predsjednika, Tihomir Marinčić i Hana Korać.

Sjednicu su *online*, u skladu s Odlukom Odbora žalbe građana o mogućnosti *online* učešća članova Odbora u radu sjednica Odbora, broj: 05/2-02-4-963/24, od 16. 5. 2024, prisustvovali:

1. Vjekoslav Vuković, prvi zamjenik predsjednika i
2. Merima Šenderović.

**Odsutni članovi Odbora za žalbe građana Parlamentarne skupštine BiH:** Miroslav Janjić, u skladu s Informacijom broj: 05/2-07-4-2499/23 od 1. 12. 2023, koja je 18. 12. 2023. prosljeđena Zajedničkom kolegiju oba doma Parlamentarne skupštine BiH.

**Ostali prisutni:** Alma Tajić-Kurto, sekretarka Odbora za žalbe građana Parlamentarne skupštine BiH.

Sjednicu je sazvaio i njom predsjedavao Boris Buha, predsjednik Odbora za žalbe građana. Prije rasprave o dnevnom redu predsjednik je upoznao prisutne da su članovi Odbora Vjekoslav Vuković i Merima Šenderović zatražili saglasnost da u radu sjednice prisustvuju *online* zbog postojanja izuzetnih okolnosti u skladu s Odlukom Odbora, broj: 05/2-02-4-963/24 od 16.5.2024.

Naime, pošto se 40. sjednica Odbora održava u Trebinju, u sklopu realizacije aktivnosti posjete i obilaska graničnih prijelaza u zoni odgovornosti Terenskog ureda Jug Granične policije BiH, imenovani članovi Odbora, zbog obaveza, nisu mogli učestvovati u ovoj aktivnosti.

Prisutni članovi Odbora prihvatili su obrazloženje o postojanju izuzetnih okolnosti i jednoglasno su Vjekoslavu Vukoviću i Merimi Šenderović dali saglasnost za *online* učešće u radu 40. sjednice Odbora.

Predsjednik Odbora konstatirao je da u radu 40. sjednice Odbora učestvuje šest članova, od kojih su dva člana pristupila *online*.

Za sjednicu je predložen sljedeći

## **DNEVNI RED**

1. Usvajanje Zapisnika 39. sjednice Odbora za žalbe građana Parlamentarne skupštine BiH;
2. Razmatranje žalbi na rad policijskih službenika Granične policije BiH:
  - a) žalba broj: 05/2-50-17-460/24 od 26. 2. 2024. i Izvještaj Granične policije BiH o izvršenim preliminarnim provjerama, broj: 17-07-34-7-2041/24 od 29. 4. 2024,
  - b) žalba broj: 05/2-50-17-564/24 od 11. 3. 2024. i Izvještaj Granične policije BiH o izvršenim preliminarnim provjerama, broj: 17-07-34-7-2400/24 od 22. 4. 2024,
  - c) žalba broj: 05/2-50-17-668/24 od 26. 3. 2024. i Izvještaj Granične policije BiH o izvršenim preliminarnim provjerama, broj: 17-07-34-7-3082/24 od 9. 5. 2024,
  - d) žalba broj: 05/2-50-17-814/24 od 17. 4. 2024. i Izvještaj Granične policije BiH o izvršenim preliminarnim provjerama, broj: 17-07-34-7-3762/24 od 30. 4. 2024,
  - e) žalba broj: 05/2-50-17-853/24 i Izvještaj Granične policije BiH o izvršenim preliminarnim provjerama, broj: 17-07-34-7-1898/24 od 24. 4. 2024,
  - f) žalba broj: 05/2-50-17-925/24 i Izvještaj Granične policije BiH o izvršenim preliminarnim provjerama, broj: 17-07-34-7-4014/24 od 9. 5. 2024,
3. Informacija Granične policije BiH, broj: 17-07-34-7-3587/24 od 8. 5. 2024, o nemogućnosti tretiranja anonimne prijave kao žalbe, broj: 05/2-50-17-926/24 (e-mail od 8. 4. 2024);
4. Informacija Granične policije BiH, broj: 17-07-34-7-3841/24 od 23. 4. 2024, o postupanju po prijavi građanina M.M., broj: 05/2-50-17-837/24;
5. Razmatranje anonimne prijave, broj: 05/2-50-17-879/24 od 29. 4. 2024, protiv policijskog službenika Granične policije BiH S. D.;
6. Odlučivanje o zahtjevu policijske službenice Granične policije BiH S.N. broj: 05/2-50-17-457/24 od 14. 5. 2024, za dostavu žalbe i podataka o podnosiocu žalbe građanina S.N.;
7. Analiza realiziranih posjeta i obilaska graničnih prijelaza Bosne i Hercegovine, te utvrđivanje plana za nastavak realizacije aktivnosti;
8. Tekuća pitanja.

Predsjednik Boris Buha predložio je dopunu dnevnog reda na način da se pod Ad. 3b) uvrsti tačka: Informacija Granične policije BiH, broj: 17-07-34-7-3463/24 od 20. 5. 2024, o nemogućnosti tretiranja anonimne prijave protiv policijskog službenika V.L. kao žalbe, broj: 05/2-50-17-572/24 od 12.3.2024, a da dosadašnja tačka Ad. 3. postane tačka Ad. 3a).

Predloženi dnevni red, zajedno s dopunom, usvojen je jednoglasno.

### **Ad. 1. Usvajanje Zapisnika 39. sjednice Odbora za žalbe građana Parlamentarne skupštine BiH**

Zapisnik 39. sjednice Odbora za žalbe građana Parlamentarne skupštine BiH usvojen je jednoglasno, bez primjedbi.

## **Ad. 2. Razmatranje žalbi na rad policijskih službenika Granične policije BiH:**

- a) žalba broj: 05/2-50-17-460/24 od 26. 2. 2024. i Izvještaj Granične policije BiH o izvršenim preliminarnim provjerama, broj: 17-07-34-7-2041/24 od 29. 4. 2024,
- b) žalba broj: 05/2-50-17-564/24 od 11. 3. 2024. i Izvještaj Granične policije BiH o izvršenim preliminarnim provjerama, broj: 17-07-34-7-2400/24 od 22. 4. 2024,
- c) žalba broj: 05/2-50-17-668/24 od 26. 3. 2024. i Izvještaj Granične policije BiH o izvršenim preliminarnim provjerama, broj: 17-07-34-7-3082/24 od 9. 5. 2024,
- d) žalba broj: 05/2-50-17-814/24 od 17. 4. 2024. i Izvještaj Granične policije BiH o izvršenim preliminarnim provjerama, broj: 17-07-34-7-3762/24 od 30. 4. 2024,
- e) žalba broj: 05/2-50-17-853/24 i Izvještaj Granične policije BiH o izvršenim preliminarnim provjerama, broj: 17-07-34-7-1898/24 od 24. 4. 2024,
- f) žalba broj: 05/2-50-17-925/24 i Izvještaj Granične policije BiH o izvršenim preliminarnim provjerama, broj: 17-07-34-7-4014/24 od 9. 5. 2024.

U okviru ove tačke dnevnog reda Odbor za žalbe građana razmatrao je šest žalbi na rad i postupanje policijskih službenika Granične policije BiH, zajedno sa izvještajima Granične policije BiH o provedenom internom postupku, odnosno izvršenim preliminarnim provjerama.

U raspravi izvjestiteljica za predmete pod tač. a) i b) bila je Hana Korać, za predmete pod tač. c) i d) Boris Buha, za predmet pod tačkom e) Semir Šut, te za predmet pod tačkom f) Tihomir Marinčić.

Nakon rasprave, Odbor za žalbe građana Parlamentarne skupštine BiH usvojio je izvještaje Granične policije BiH povodom predmeta u okviru ove tačke usvojenog dnevnog reda, te je zaključio da u postupanju policijskih službenika Granične policije BiH i nadležnih tijela u navedenim predmetima nisu utvrđene nepravilnosti niti povrede relevantnih zakona.

## **Ad. 3. Informacije Granične policije BiH:**

- a) broj: 17-07-34-7-3587/24 od 8. 5. 2024, o nemogućnosti tretiranja anonimne prijave kao žalbe, broj: 05/2-50-17-926/24 (e-mail od 8. 4. 2024),
- b) broj: 17-07-34-7-3463/24 od 20. 5. 2024, o nemogućnosti tretiranja anonimne prijave protiv policijskog službenika V.L. kao žalbe, broj: 05/2-50-17-572/24 od 12. 3. 2024.

Izvjestioci po ovim tačkama bili su Vjekoslav Vuković i Merima Šenderović.

Nakon rasprave, Odbor za žalbe građana jednoglasno je konstatirao da Granična policija BiH nije ovlaštena da tumači kada su ispunjeni uslovi za primjenu člana 15. Zakona o nezavisnim i nadzornim tijelima policijske strukture BiH, već da je to u isključivoj nadležnosti Odbora za žalbe građana.

Naime, sva uniformirana lica imaju status građanina u uniformi, te im pravo na žalbu ne može biti uskraćeno po bilo kojem osnovu.

**Ad. 4. Informacija Granične policije BiH, broj: 17-07-34-7-3841/24 od 23. 4. 2024, o postupanju po prijavi građanina M.M., broj: 05/2-50-17-837/24.**

Odbor za žalbe građana primio je k znanju navedenu informaciju Granične policije BiH.

**Ad. 5. Razmatranje anonimne prijave, broj: 05/2-50-17-879/24 od 29. 4. 2024, protiv policijskog službenika Granične policije BiH S. D.**

U okviru ove tačke dnevnog reda Odbor za žalbe građana usaglasio se da se anonimna prijava protiv policijskog službenika Granične policije BiH S.D., u skladu s članom 15 stav (1) tačka a) Zakona o nezavisnim i nadzornim tijelima policijske strukture BiH ("Službeni glasnik BiH", broj 36/08), dostavi Graničnoj policiji BiH na nadležno postupanje.

Granična policija BiH obavezuje se da, nakon provedene istrage, izvještaj dostavi Odboru za žalbe građana, nakon čega će žalba biti razmatrana na nekoj od sjednica.

**Ad. 6. Odlučivanje o zahtjevu policijske službenice Granične policije BiH S.N. broj: 05/2-50-17-457/24 od 14. 5. 2024, za dostavu žalbe i podataka o podnosiocu žalbe građanina S.N.**

Izvjestioci po ovoj tački dnevnog reda bili su Vjekoslav Vuković i Merima Šenderović.

Izvjestioci su iznijeli stav da zahtjev treba odbiti jer ne bi bila dobra praksa dozvoljavati dostavljanje podataka o podnosiocima žalbe, što bi otvorilo prostor pravne nesigurnosti da policijski službenici „progone“ žalitelje. Postupci se vode u okviru matične policijske službe, postoji pravo na izjašnjenje, prilaganje dokaza, žalbe i sl.

Odbor za žalbe građana je, nakon rasprave, jednoglasno donio odluku da se zahtjevu policijske službenice S.N. ne može udovoljiti zbog obaveze poštivanja odredbi Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Naime, Odbor za žalbe građana nije ovlašten da ustupa lične podatke trećim licima, te je zauzeo stav da se policijska službenica, ako se smatra da je potrebno, obrati Uredu za profesionalne standarde i unutrašnju kontrolu Granične policije BiH koji je provodio istragu po prijavi građanina.

**Ad. 7. Analiza realiziranih posjeta i obilaska graničnih prijelaza Bosne i Hercegovine, te utvrđivanje plana za nastavak realizacije aktivnosti**

Članovi Odbora konstatirali su da su tokom prvog dana obilaska i posjete graničnih prijelaza Bosne i Hercegovine obišli pet graničnih prijelaza, i to:

1. Međunarodni granični prijelaz Bijača,
2. Međunarodni granični prijelaz Crveni grm,
3. Međunarodni granični prijelaz Neum I,
4. Međunarodni granični prijelaz Neum II i
5. Međunarodni granični prijelaz Trebimlja – Čepikuće.

Također, tokom posjete održani su i sastanci u:

1. Terenskom uredu Granične policije BiH Jug (Čapljina),
2. Jedinici Granične policije Neum.

Dogovoreno je da će o izvršenim aktivnostima biti izrađena jedinstvena informacija s utvrđenim činjenicama i zapažanjima, nakon što se realiziraju i planirane aktivnosti za dan 23.5.2024.

#### **Ad. 8. Tekuća pitanja**

U okviru tekućih pitanja Odbor za žalbe građana Parlamentarne skupštine BiH konstatirao je potrebu da se do kraja maja održi još jedna sjednica, na kojoj bi bili utvrđeni prijedlozi aktivnosti Odbora koje bi mogla podržati Misija OSCE-a u BiH, te kako bi bila izvršena konačna analiza realiziranih posjeta. Svi članovi Odbora, uključujući i online prisutne Vjekoslava Vukovića i Merimu Šenderović, podržali su ovaj prijedlog.

Također, članovi Odbora zadužili su sekretarku Odbora da do naredne sjednice pribavi informaciju o ostvarivanju prava na naknadu za članove Odbora koji su u radu 40. sjednice pristupili *online*, te informaciju o provedbi Odluke Odbora o posjeti i obilasku graničnih prijelaza Bosne i Hercegovine broj: 05/2-50-15-28-39,5/24 od 22.4.2024.

Sjednica je završena u 22.15 sati.

Sekretarka  
Odbora za žalbe građana  
Alma Tajić-Kurto

Predsjednik  
Odbora za žalbe građana  
Boris Buha